




Հայկական գիտահետազոտական հանգույց
Armenian Research & Academic Repository



Սույն աշխատանքն արտոնագրված է «Մտեղծագործական համայնքներ
նչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

10997

3K1017

7-28

Հ. Լ. Կ. ՅԵ. Մ. Կ. Կ.ԻՆ ԿԵՅ ՊԱՏԱՆԻ
ՊԻՈՆԵՐՆԵՐԻ ԿԵՆՏՐՈՆԱԿԱՆ ԲՅՈՒՐՈ

ՊԱՏԱՆԻ ՊԻՈՆԵՐՆԵՐԻ



ԿԱԶՄԱԿԵՐՊՈՒԹՅԱՆ ԿԱՌՈՒՑՎԱԾՔԸ

ՀԱՅԿ
7-28

ՅԵՐԵՎԱՆ — 1925.

10997

24 SEP 2006

1 DEC 2009

2. Լ. Կ. ՅԵ. Մ. Կ. Կ.-ին ԿԻՅ

ՊԱՏԱՆԻ ՊԻՈՆԵՐՆԵՐԻ ԿԵՆՏՐՈՆԱԿԱՆ ԲՅՈՒՐՈ

370

2257-74



ՊԱՏԱՆԻ ՊԻՈՆԵՐՆԵՐԻ ՊԱՏԱՆԵԿԱԿԱՆ
ԿՈՄՄՈՒՆԻՍՏԱԿԱՆ ԸՆԿ. ԼԵՆԻՆԻ ԱՆՎԱՆ
ԿԱԶՄԱԿԵՐՊՈՒԹՅԱՆ ԿԱՌՈՒՑՎԱԾՔԸ

3694 U 6—1925

048
ՄԹ. ԿԵԿԵ

Ա.

Աճող սերունդի կոմունիստական դաստիարակության և նրանից հետագայում կոմունիստական հասարակարգի մարտիկներ ու կառուցողներ պատրաստելու նպատակով, կոմյերիտմիությունը, կոմկուսի ղեկավարութեամբ ստեղծում է պասսանի պիոներներ ի. ք. Լենինի անվան սոսանեկական կոմունիստական կազմակերպություն: Պրոֆմիությունները և լուսժողովրդի մարմինները, վորպես անմիջապես շահագրգռված կազմակերպություններ, մասնակցում են այդ աշխատանքում և աջակցում են կոմյերիտմիությանը, չըստեղծելով իրենց կից հատուկ պատանեկական կազմակերպություններ:

Բ.

ԿԱԶՄԱԿԵՐՊՈՋԱԿԱՆ ԶԵՎԵՐ

I Կազմակերպության կազմը, ընդունելություն և արտաքսման կարգը

1. Պատանի պիոներների կազմակերպության մեջ ընդունվում են աշխատավորների և առաջին հերթին բանվորների և գյուղացիների 8—16 տարեկան հասակ ունեցող յերեխաները:

2. Նոր պիոներներ ընդունելութունը կատարվում է կոլեկտիվի խորհրդի միջոցով և վերջնականապես հաստատվում կոլեկտիվի ընդհանուր ժողովի կողմից:

3. Վոչ պակաս յերկու ամսից հետո պիոներական որենքները, սովորությունները իմացող նորեկը տալիս է հանդիսավոր յերդում և սրտանում է պիոներական նշան:

4. Պիոների արտաքսումը կատարվում է ողակի, կոլեկտիվի խորհրդի վորոշմամբ, կոլեկտիվի ընդհանուր ժողովի հաստատումից հետո, պիոներական որենքների սովորությունների խախտման և կարգապահությանը չըյենթարկվելու համար:

II Տ ե Ր մ ի ն ա լ ո գ ի ա

1. Խորհրդային Միության բոլոր պատանեկական կազմակերպությունները կոչվում են «պասանի պիոներների ը. Լենինի անվան պասանեկական կոմունիստական կազմակերպություն»:

2. Կազմակերպության սկզբնական բջիջը կոչվում է «կոլեկտիվ»:

3. Կոլեկտիվը բաժանվում է 10 հոգուց բաղկացած խմբերի, վորոնք կոչվում են «ողակ»:

4. Կոլեկտիվի ղեկավարը կոչվում է «կոլվար»:

5. Ողակի ղեկավարը՝ «Ողակավար»:

III Կ ո լ լ ե կ ա ի վ

1. Պատանի պիոներների կազմակերպության սկզբնական բջիջը—կոլեկտիվը կազմակերպվում է արդյունաբերական ձեռնարկին կից, ակումբում, մանկատանը և գյուղում՝ Լ. Կ. Յե. Մ. բջիջին կից:

2. Կոլեկտիվը պետք է ընդգրկի 40-ից—50 յերեխա՝ ձուլված, շարժուն և ճկուն միավոր լինելու համար: Տվյալ հիմնարկության կից մեծ թվով յերեխաներ ընդգրկելու համար, կազմակերպվում են ուրիշ կոլեկտիվներ, վորոնք ունեն մի ընդհանուր խորհուրդ բաղկացած բոլոր կոլվարներից և մեկ ընդհանուր ղեկավարից: Վերջինը պատասխանատու յե բոլոր կոլեկտիվների աշխատանքների համար:

3. Կոլեկտիվի աշխատանքները ղեկավարելու համար, կոմյերիտմիության համապատասխան բջիջը նշանակում է կոմյերիտականներից կոլվար, վորը հաստատվում է կոմյեր. միութ. կոմիտեյի կողմից:

4. Կոլվարին ոգնելու համար կոմյերիտմիության բջիջը նշանակում է ոգնական, վորը հաստատվում է դարձյալ կոմյերիտմիության կոմիտեյի կողմից:

5. Կոլեկտիվը ղեկավարվում է կոլեկտիվի խորհրդի կողմից, վորի մեջ մտնում են ողակավարները, կոլվարը, նրանց ոգնականները, կոմ-

յերիտմիության բշիշի բյուրոի ներկայացուցիչը, ըստ հնարավորության կուսակցության անդամ: Կոլլեկտիվի խորհուրդը տանում է կոլլեկտիվի առույթ աշխատանքները, վարում է պիոներներին ընդունելության և արտաքսման գործը, հետեւում է կոլլեկտիվի ներքին կարգապահությանը, լսում է համապատասխան ֆորպոստի ղեկուցում և ղեկավարում է նրա աշխատանքը, քննում և հաստատում է կոլլեկտիվի աշխատանքների ծրագրերը, վորոնց գործադրությունը բաշխում է ըստ ողակների, միաժամանակ հանդիսանալով ողակավարներ պատրաստող դպրոց:

6. Կոլլեկտիվի խորհուրդը ընտրում է քարտուղար, վորը տանում է խորհրդի ժողովների արձանագրությունները, կոլլեկտիվի որագիւրը և խորհրդի կողմից հանձնարարած այլ աշխատանքներ: Խորհրդի ժողովները վարում է հերթական նախագահ:

7. Բացի այդ կոլլեկտիվները ընտրում են տնտեսական, խմբագրական, զրադարան-ընթերցարանի և ուրիշ պարբերաբար վերընտրվող հանձնաժողովներ, վորոնք դարձյալ ղեկավարվում են խորհրդի կողմից նրա անդամների գլխավորությամբ:

8. Յուրաքանչյուր կոլլեկտիվ կրում է հե-

ղափոխական նշանավոր գեպքերի և ղեկավարների անուն, որինակ. «Փարիզյան կոմունա», «Հոկտեմբերյան հեղափոխություն», «Մայիս 1»-ը «Ռիկովի», և այլն:

9. Կոլլեկտիվը պարբերաբար գումարում է ընդհանուր հավաքույթներ գանազան զրույցների, աշխատանքների, եկսկուրսիաների համար, նույնպես և ընթացիկ կյանքի կարևոր խնդիրները քննության առնելու. որինակ խորհրդի հաշվետու ղեկուցումը, աշխատանքը դրպրոցում, մասնակցություն տոներին, կամպանյաներին, պիոներների ընդունելության և արտաքսման կոլլեկտիվի խորհրդի վորոշումների հաստատումը:

IV. Ո Ղ Ա Կ

1. Յերեխաներին ընտրելու ըստ մտերմության, հասակի, միաբան աշխատանքի հատկությունների, նրանց կոլլեկտիվ աշխատանքներին և կարգապահությանը ընտելացնելու, աշխատանքը խմբակային մրցումներով տանելու և ղեկավարությունը դյուրացնելու նպատակով, կոլլեկտիվը բաժանվում է 10-ական պիոներներից բաղկացած ողակների:

2. Ողակը իր պիոներներին ընտրում է ողակավար և ոգնական վորոնք վերընտրվում են 3 ամիսը մեկ անգամ:

3. Ողակը յուրացնում է հեղափոխական աշ-

խատանքային միտք կրող կամ հեղափոխական ղեկավարի անունը (Լենին, Ռիկով, Կալինին, Ստալին, Տրոցկի, Լոնաչարսկի, կարմիր ոգաչու, կարմիր մեքենավար, մուրճ, մանգաղ և այլն)։

4. Ողակում տարվում են առարկա կոնկրետ աշխատանքներ, զրույցներ, ֆիզ-կուլտուրայի պարապմունքներ, աշխատանք արհեստանոցում, նախապատրաստություն բանակատեղիի, խաղեր, հասարակական և քաղաքական աշխատանքներ, պատրաստվում է նյութեր ամսագրին, լրագրին։

Ողակներում ամբողջ աշխատանքը տարվում է կուլվարի, նրա ոգնականի հսկողության տակ, վորոնք ողակավարների միջոցով անց են կացնում կուլեկտիվի խորհրդի վորոշումները և տալիս են իրենց ցուցմունքները։

V. Հոկտեմբերիկներ

1. 8—11 տարեկան հասակ ունեցող յերեսաները առանձնացվում են հոկտեմբերիկների խմբակների մեջ։

2. Հոկտեմբերիկների խմբակը ունենալու յե 25 հոգուց վոչ ավել։

3. Խմբակը բաժանվում է 5 ողակի 5-ական հոգուց բաղկացած։

4. Հոկտեմբերիկների խմբակը ղեկավարում է կուլվարի ոգնականը։

5. Ողակը ղեկավարում է առանձնացված Հոկտեմբերիկը։

6. Հոկտեմբերիկները պիոներական նշան չեն կրում, բայց ունեն վզկապ։

VI. Պատանի պիոներների գավառային, շրջանային, կազմակերպությունները և պատանի պիոներների գավ. բյուրո։

1. Շրջանային, քաղաքային, գավառային, մասշտաբով Պատանի պիոներների կուլեկտիվները միանում են շրջանային, քաղաքային, գավառային կազմակերպության մեջ լենկոմյերիտ-միության համապատասխան կազմակերպության կից, լենկոմյերիտմիության համապատասխան կոմիտեյի ղեկավարությամբ։

2. Պիոներական կուլեկտիվը գործնականորեն ղեկավարելու համար՝ համապատասխան շրջաններում, լենկոմյերիտմիության տեղական կոմիտեն իրեն կից ստեղծում է պիոներական կազմակերպության գործնական ղեկավարող մարմին (շրջանային, գավառային պիոներական բյուրո) կոմիտեյի բաժնի հավասարազոր իրավունքներով։

Պատանի պիոներները բյուրոն, լենկոմյերի ամբիոնների կոմիտեի մի մասն է. ողջովում է նրա ապարատից, չունի իր առանձին կնիքը, բլանկ, և այլն: Պատանի պիոներները բյուրոն աշխատում է լենկոմյերի ամբիոնների կոմիտեի ցուցմունքներով ու ղեկավարությամբ: Աշխատանքի բոլոր կարևոր խնդիրները հաստատվում են կոմիտեի կողմից:

3. Բյուրոյի խնդիրներն են՝ կոլվարների հրահանգումը ու ղեկավարումը, կազմակերպչական և մեթոդիկ խնդիրների մշակումը, յերեխաների մասնակցությամբ կամպանյանների և տոների կազմակերպումը, դպրոցում և մանկատանում պիոներների աշխատանքների ղեկավարումը, պիոներական կոնֆերանսների, խորհրդակցությունների գումարումը ծնողների, մանկավարժների, գործարանային կոմիտեների, գյուղ խորհուրդների և հասարակական այլ կազմակերպությունների ներկայացուցիչների մասնակցությամբ պիոներական զանազան հանձնաժողովների աշխատանքների ղեկավարումը: Գավառային, շրջանային բյուրոները պարբերաբար գումարում են իրենց նիստերը կոլվարների հետ միասին:

4. Պիոներական բյուրոյի կազմը պետք է լինի 5-7 հոգի: Աշխատանքների մնայուն գործնա-

կան ղեկավարության համար լենկոմյերի ամբիոնների կոմիտեն իր անդամներից մեկին նշանակում է բյուրոյի նախագահ, վորը պետք է լինի կոմկուսի անդամ: Բացի այդ բյուրոյի մեջ մտնում են կուսակցության կոմիտեի, Պրոֆմիտեի, Լուսբաժնի, աշխատավորուհու բաժնի ներկայացուցիչները, և անհատապես ընտրված գործնական պիոներական աշխատողները: Շրջանային, գավառային և կամ քաղաքային մասշտաբով (համապատասխան բյուրոյին կից) պարբերաբար գումարվում է ողակավարների խորհրդակցություններ շրջանային, գավառային աշխատանքի խնդիրները լուծելու համար: Այդ խորհրդակցություններում պիոներներից կազմվում են ֆոնդային անապատանների մեջ աշխատող, պատի լրագրների հրատարակման, պիկորական և այլ հանձնաժողովներ վորոնք աշխատում են բյուրոյի անմիջական ղեկավարությամբ:

VII Պատանի պիոներների նահանգային կազմակերպությունները և նահ. բյուրոները

1. Տվյալ նահանգում գտնվող պատանի պիոներների բոլոր գավառային, շրջանային կազմակերպությունները համախմբվում են պատանի պիոներների Լենինի անվան նահանգային կազմակերպության մեջ:

2. Կոմյերիտմիութեան գալառային, շրջանային կոմիտեաների աշխատանքը ղեկավարելու համար Ռ. Լ. Կ. ՅԵ. Մ. նահ. կոմիտեն ստեղծում է իրեն կից մինչև 11 հոգուց բաղկացած. պատանի պիոներների բյուրո: Բյուրոն հանդիսանում է Նահանգկոմի բաժինը և աշխատում է նրա անմիջական ղեկավարութեամբ:

3. Բյուրոի գլխին է կանգնած նախագահը՝ կոմյերիտմիութեան նահանգկոմի անդամ: Բյուրոյի մեջ մտնում են կուսակցութեան Նահանգկոմի Լուսբաժնի, Պրոֆմիութեան նահանգային խորհրդի, Առբաժնի, Աշխատավորուհու բաժնի ներկայացուցիչները և Նահանգկոմի կողմից հաստատված գործնական աշխատողները:

4. Նահանգ. Բյուրոն մեթոդիկ խնդիրները մշակելու համար, ստեղծում է իրեն կից մեթոդական հանձնաժողով, հրավիրելով մանկավարժ կոմունիստներին:

5. Նահանգ. բյուրոն անխնիկական ապարատ չունի, ոգտվում է նահանգկոմի ապարատից:

6. Նույնպիսի բյուրոներ կազմակերպվում են աղզային և շրջանային (Область) մասշտաբով:

7. Ռ. Լ. Կ. ՅԵ. Մ. յերկրային կոմիտեաներին կից ստեղծվում են պատանի պիոներների յերկրային բյուրոներ բաղկացած՝ նախագահից,

վորը Ռ. Լ. Կ. ՅԵ. Մ. յերկրային կոմիտեյի անդամ է, ներկայացուցիչներից՝ Ռ. Կ. Կ. յերկրային կոմիտեյի, սլրոֆմիութեան յերկրային բյուրոի, կին բաժնի, առբաժնի, տվյալ նահանգի պատ. պիոներների նահանգ. բյուրոի նախագահից, և անհատորեն ընտրված պիոներական գործնական աշխատողներից: Պիոներական յերկրային բյուրոն անմիջականորեն ղեկավարվում է Ռ. Լ. Կ. ՅԵ. Մ. յերկրային կոմիտեյի բյուրոի կողմից:

8. Առորյա գործնական աշխատանքների համար. բյուրոն կարող է ընտրել 3 հոգուց վոչ ավելի բաղկացած պրեզիդիում:

VIII Ս. Խ. Հ. Մ.-ի պատանի պիոներական կենտրոնական բյուրո

1. Պիոներական շարժման առարեգում Ռ. Լ. Կ. Յ. Մ. կոմիտեաների աշխատանքներին գործնական ղեկավարություն ցույց տալու և աշխատանքի խնդիրները շահագրգռված հիմնարկներին (Լուսժողկոմի, Հողժողկոմի, Պրոֆմիութեան և այլ հիմնարկների) հետ համաձայնեցնելու, նույնպես և պատ. շարժման մեթոդական խնդիրները լուծելու համար Ռ. Լ. Կ. ՅԵ. Մ. Կենտկոմին կից նրա բյուրոյի անմիջական ղեկավարութեամբ ըստեղծվում է պատանի պիոներների կենտրոնական բյուրո՝ բաժնի իրավունքներով:

Կենտրոնական բյուրոյի մեջ մտնում են նախագահը՝ պատանեկական շարժման առաջարկող մշտական աշխատող Ռ. Լ. Կ. Յե. Մ. Կենտկոմի անդամ, ներկայացուցիչներ՝ Ռ. Կ. Կ. Կենտկոմի ազիտպրոպ քաժնի, աշխատավորուհու քաժնի, գլխացուցարար, Ս. Մ. Հ. Կ. Խորհրդի, ֆիզկուլտի գերագույն Խորհրդի, Առժողկոմատի, ԿԻՄ ի գործկոմի և Կենտկոմի կողմից անհատորեն ընտրված պիոներական գործնական աշխատողները:

2. Մեթոդիկ խնդիրները մշակելու համար, Կենտրոնական բյուրոին կից հիմնվում է մեթոդական կոլլեգիա:

3. Կենտրոնական բյուրոն հրատարակում է հանդես յերեխաների և հանդես դեկավարների համար:

4. Առորյա գործնական աշխատանքները վարելու համար, Կենտրոնական բյուրոն առանձնացնում է 5—7 հոգուց բաղկացած նախագահու թյուն:

XI Պատանի պիոներներին որենքները

Պիոները հավատարիմ է բանվոր զասակարգի գործին—Լենինի ավանդներին:

2. Պիոները կոմսոմոլիստի և կոմունիստի կրտսեր յեղբայրն է ու ոգնականը:

3. Պիոները ընկեր է ամբողջ աշխարհի պիոներներին և բանվորների ու գյուղացիների յերեխաներին:

4. Պիոները կազմակերպում է իր շրջապատի յերեխաներին և նրանց հետ մասնակցում շրջապատի կյանքին: Պիոները բոլոր յերեխաներին ուրիշակ է:

5. Պիոները ձգտում է գիտության: Գիտությունը և կարելիությունը ուժ է բանվոր զասակարգի պայքարում:

X Սովորություններ

1. Պիոները պաշտպանում է իր և ուրիշների առողջությունը. նա տոկուն է և աշխուժ: Վեր է կենում առավոտը վաղ, խնամքով լվացվում, կատարում է մարզանք:

2. Պիոները իր և ուրիշների ժամանակը թանգ է գնահատում. իր գործը կատարում է արագ և խնամքով:

3. Պիոները աշխատասեր է և համառ. նա կարող է բոլոր պայմաններում աշխատել և գտնել ամեն տեսակի դրություններից դուրս գալու յեղը:

4. Պիոները հասարակական գույքին, գրքե-

րին, հագուստին և արհեստանոցի պիտույքներին խնայողաբար և վերաբերվում:

5. Պիոները չի ծխում, չի հայհոյում:

XI Հանգիսավոր յերգում

Սահմանվում է հանգիսավոր յերգման հետևյալ ձևը:

Յես, Ս. Խ. Հ. Մ. պատանի պիոներս, իմ ընկերների առաջ տալիս եմ հանգիսավոր յերգում փոր՝

1. Կանգուն կը լինեմ բանվոր դասակարգի պայքարում, հանուն ամբողջ աշխարհի բանվորների և դյուղացիների ազատագրման:

2. Ազնիվ ու անշեղ կը կատարեմ ԻԼՅԻՉԻ պատգամները, պիոներական որենքներն ու սովորույթները:

XII Հոկտեմբերիկներին սովորույթները

1. Հոկտեմբերիկը ոգնում է պիոներներին, կոմյերիտականներին, կոմունիստներին, բանվորներին և գյուղացուն:

2. Հոկտեմբերիկը ձգտում է դառնալ պիոներ:

3. Հոկտեմբերիկը հետևում է իր մարմնի և հագուստի մաքրությանը:

4. Հոկտեմբերիկը սիրում է աշխատել:

XIII Պիոներների և հոկտեմբերիկների նշանաբանն ու լոգունգը

«Բանվոր դասակարգի ազատագրման պայքարին, պատրաստ» պատասխանը «Միշտ պատրաստ ենք»:

Հիմնական լոգունգը «փոխարինողներին փոխարինում ենք»:

XIV Պիոների նշանը

Ս. Խ. Հ. Մ.-ի պիոներական կազմակերպությունների համար, հաստատվում է հետևյալ միասնական նշանը՝ կարմիր դրոշակի վրա, մուրճ և մանգաղի մեջ հինգ փայտի վրա վառվող խալույկ բոցի յերեք լեզվակներով: Մանգաղի վրա զրված է «պատրաստ»:

XV Արտաքին հատկանիշները

Բոլոր պիոներները և հոկտեմբերիկները զգեստավորվում են միատեսակ. վերնաշապիկը բաց գույնի, տղաները կարճ տրուսիկներ, իսկ

աղջիկները մուգ գույնի շրջագգեստ մինչև ծընկ-
ները:

2. Բոյոր պիոներները և հոկտեմբերիկները
կրում են կարմիր վզկապ:

3. Ղեկավարները և առանձին պիոներները
ուրիշ նշան և կամ ուրիշ հատկանիշներ չեն
կրում:

4. Ողակը ունի կարմիր գույնի յերեք ան-
կյունանի գրոշակ, վորի մեկ յերեսին նկարված
է ողակի սիմվոլը (հեղափոխական ղեկավարների
նկարը կամ հեղափոխական-աշխատանքային նը-
շանը), իսկ մյուս յերեսին գրված է այսինչ կոլ-
լեկտիվի ողակ:

5. Կոլլեկտիվը ունի՝ քառանկյունի կարմիր
գրոշակ, վորի մեկ յերեսին նկարված է պիոներ-
ական նշան և գրված է նշանաբանը: Իսկ մյուս
յերեսին կ'լլեկտիվի անունը և վոր ձեռնարկու-
թյան կից («Արարատ գործարանին կից «26-ի»
անվան կոլլեկտիվ):

6. Այգպիսի գրոշակ ունի նաև գամառի ամ-
բողջ կազմակերպությունը:

XVI Պիոներների և հոկտեմ- բերիկների բարեք

1. Հաստատվում է բարեքի հետևյալ ձևը:

Այ ձեռքի 5 մատը միացած բարձրացվում
է գլխից վեր:

5 մատը աշխարհի մասերն են, ուր կան
շահագործվողներ և վորոնց ազատագրման հա-
մար պիոներները պայքարում են:

Գլխից բարձր է, վորովհետև պրոլետարիատի
շահերը բարձր են պիոներների անհատական շա-
հերից:



APR 10 1911

ԳԻՆԸ 10 ԿՈՊ.

ՀՀ Ազգային գրադարան



NL0187473

